



Infurmaziuns/renviaments per ils geniturs resp. per educaturas ed educaturs pertutgant l'examen d'admissiun per la 3. classa dal gimnasi sco era per la 1. classa da la scola media spezialisada, da la scola media d'informatica e la scola media commerzialsala a las scolas medias grischunas

1. Basa legala

Per l'examen d'admissiun per la 3. classa dal gimnasi, sco era per la 1. classa da la scola media spezialisada, la scola media d'informatica e la scola media commerzialsala vala l'Ordinaziun davart la procedura d'admissiun a las scolas medias (ordinaziun d'admissiun a las scolas medias; DG 425.060). L'Ordinaziun pon ins retrair dals secretariats da las singulas scolas medias u telechargiar da l'internet (p.ex. www.ahb.gr.ch).

2. Termin d'annunzia e data da l'examen

Il temp per l'annunzia electronica per ils examens po vegrir consultà online (www.ahb.gr.ch > Examens d'admissiun).

L'annunzia succeda via internet (www.zap.gr.ch). La taxa d'examen munta a 100.-- frs. Annunzias retardadas na pon betg vegrir resguardadas (art. 6 al. 3 ordinaziun d'admissiun).

Per l'examen unifitgà pon ins s'annunziar en la 2. e 3. classa dal stgalim secundar I. Annunzias per l'examen unifitgà en la 1. classa dal stgalim secundar I n'en betg pussaivlas.

3. Emprima lingua

Tenor art. 6 alinea 2 da l'Ordinaziun decleran las candidatas ed ils candidats ensemble cun las educaturas u ils educaturs (titulars da la tgira da genitur) en l'annunzia ina da las linguas chantunalas sco lur emprima lingua, q.v.d. quella lingua en la quala els vulan far l'examen.

4. Roms d'examen

Tut las candidatas ed ils candidats fan l'examen d'admissiun en

- l'emprima lingua (tenor decleraziun en l'annunzia)
- englais
- aritmetica ed algebra (per il rom aritmetica ed algebra na datti naginas dumondas per rumantsch)
- geometria (per il rom geometria na datti naginas dumondas per rumantsch)

5. Pretensiuns

Las pretensiuns per l'admissiun ad ina scola media grischuna èn circumsrittas pli detagliadament en las disposiziuns davart las enconuschienschas preliminaras (Bestimmungen über die Vorkenntnisse). Quellas pon ins retrair dals secretariats da las singu-

las scolas medias u telechargiar da l'internet (p. ex. <http://www.ahb.gr.ch>). Infurmaziuns correspundentas dattan era magistras e magisters da la scola populara, sco era las singulas scolas medias.

6. Criteris d'admissiun

Tenor art. 22 alinea 2 cif. 2 e 3 da l'Ordinaziun d'admissiun da la regenza ston ins per passar l'examen d'admissiun en la 3. classa dal gimnasi cuntanscher ina media da 4.5, per passar l'examen d'admissiun en la SMS/SMI/SMC ina media da 4.0. Ultra da qui na dastgan las notas dals roms examinads betg esser pli che 1.5 puncs sut 4 (notas sut 4) e qui per tut las partiziuns.

7. Nota d'admissiun

Las candidatas ed ils candidats che fan l'examen d'admissiun suenter la 2. classa da la scola secundara, han il dretg d'ina nota d'admissiun. Tut las autres candidatas e candidats na pon betg far valair quest dretg.

La nota d'admissiun vegn calculada tenor da l'ordinaziun d'admissiun.

8. Access a la scola media spezialisada, la scola media d'informatica resp. scola media commerziale

En cas che l'examen d'admissiun 1G vegn dumagnà en la 6. classa da la scola primara, ha la midada en il gimnasi lieu il cumentzament dal proxim onn da scola.

En cas che l'examen unifitgà vegn dumagnà en la 2. classa dal stgalim secundar I, ha la midada en il gimnasi lieu il cumentzament dal proxim onn da scola, la midada en la SMS / SMC / SMI il cumentzament dal surproxim on da scola (il 9. onn da scola vegn anc absolvì en la scola populara). En cas che l'examen unifitgà vegn dumagnà en la 3. classa dal stgalim secundar I u suenter il temp da scola obligatoric, ha la midada en il gimnasi ed en la SMS / SMC / SMI lieu il cumentzament dal proxim onn da scola.

9. Cumpensaziun dals dischavantatgs

Per la validaziun d'ina cumpensaziun dals dischavantatgs vegn renvià a la disposiziun da l'Uffizi per la furmaziun medi-superiura dals 28 da settember 2016 pertugtant il relasch da las directivas da la cumpensaziun dals dischavantatgs tar ils examens d'admissiun en ina scola media grischuna.

10. Cumportament en cas d'impediments e da malsogna

- Sch'ina candidata u in candidat ha problems da sanadad u ha impediments, èsi da communitgar quai a la direcziun dal lieu d'examen sco era al secretariat per l'examen (Uffizi per la furmaziun media-superiura, Grabenstrasse 1, 7001 Cuira; support@zap.gr.ch), cun agiuntar in attest dal medi sche pussaivel a medem temp cun l'annunzia, il pli tard **però** avant l'examen.
- Las candidatas ed ils candidats che na pon betg far l'examen causa da problems da sanadad imprevis u d'in accident, han da communitgar quai a la direcziun dal lieu d'examen sco era al secretariat per l'examen (Uffizi per la furmaziun media-superiura, Grabenstrasse 1, 7001 Cuira; support@zap.gr.ch) il pli spert pussaivel, il pli tard dentant **avant** l'examen e mussar in attestat dal medi.
- Las candidatas ed ils candidats che **durant** l'examen na pon betg al canticuar causa da problems da sanadad imprevis u d'in accident han d'annunziar quai immediatamain a la direcziun dal lieu d'examen e purtar il medem di anc in attestat dal medi. **A medem temp** sto vegnir orientà era il secretariat per l'examen (Uffizi per la furmaziun media-superiura, Grabenstrasse 1, 7001 Cuira; support@zap.gr.ch).

- Problems da sanadad u impediments che veggan fatgs valair memia tard resp. posteriuramain na pon betg vegin resguardads. Cunzunt las candidatas ed ils candidats che fan l'examen savend da lur periclitaziun da sanadad u impediments, n'han nagin dretg d'ina annullaziun resp. d'ina repetiziun da l'examen.

11. Examens supplementars

Resguardond las disposiziuns menziunadas sura (guarda cif. 10) decida la gruppera directiva examens d'admissiun davart l'admissiun a l'examen supplementar e davart la dimensiun dal tal.

Ils examens supplementars han lieu a la Scola chantunala grischuna a Cuira. La data da l'examen posteriur chattais Vus online sut www.ahb.gr.ch > Rumantsch > Examens d'admissiun.

12. Meds auxiliars e material

Als examens ston las candidatas ed ils candidats purtar cun sai in palpir d'identitat valaivel (carta d'identitat, pass u legitimaziun d'esters), material da scriver incl. ina colur verda (per marcar schliaziuns en ils pensums da geometria), calculatur da giagliooffa, circul, lingera, geotriangul e palpieri.

Per l'examen dastgan vegin duvrads mo ils documents dals examens (nagin agen palpieri da notizias). Tut ils exercizis èn da schiliar directamain sin ils documents d'examen.

Ils examens ston vegin scrits cun **culli blau u nair** u cun **tinta blaua u naira** (cun excepziun dals dissegns geometricos). Fieuters da pilot n'en betg lubids.

Il diever d'in rispli è cun excepziun da las construcziuns da schliaziuns geometricas en il rom d'examen geometria betg lubi.

Durant ils examens n'esi betg lubì da duvrar dicziunaris monolings u bulings u dicziunaris electronics sco era telefons mobils (telefonins), smartwatches u auters meds d'agid. L'utilisaziun da marcaders, da la lingera e dal geotriangul è lubida.

En ils roms d'examen emprima lingua, Englisch/Englais/Inglese sco era aritmetica ed algebra n'en lubids nagins meds auxiliars. L'utilisaziun da marcaders, da la lingera e dal geotriangul è lubida.

En il rom d'examen geometria pon ins duvrar in calculatur **senza CAS, che n'en betg programmabel u capabel da far graficas**. Segirai per plaschair ad uras avant l'entschatta da l'examen d'admissiun, che Vus avais in calculatur da giagliooffa **lubì**. I vegin cusseglia, en cas da dubi, da dumandar suenter ad uras tar Vossa persuna d'instrucziun da matematica u en ina fatschenta spezialisada. Schliaziuns geometricas èn da marcar cun colur verda.

Ils candidats ston s'identifitgar tar ils examens d'admissiun entras in palpieri d'identitat valaivel (carta d'identitat, pass u legitimaziun d'esters).

13. Exclusiun da l'examen

Sch'ins fa diever da meds auxiliars nunlubids, sco era sch'ins sa deporta illoialmain vegin ins exclus da l'examen d'admissiun. Sche in candidat u candidata ha gia fatg ina part dals examens na vegin quellas betg valitadas e l'examen vegin considerà sco betg reussi.

14. Communicaziun da la decisiun da l'examen

Tenor art. 14 da l'Ordinaziun davart ils examens d'admissiun succeda la communicaziun davart il resultat da l'examen a las candidatas ed ils candidats en scrit ed exclusivamain da la Gruppera directiva examens d'admissiun. La communicaziun vegin fatga per posta A, cun resalva d'incaps betg previsibels, il di ch'è inditgà sin la pagina

d'internet da l'Uffizi per la furmaziun media-superiura (www.ahb.gr.ch > Rumantsch > Examens d'admissiun). Il medem di a partir da las 18.00 san ins prender invista online al resultat da l'examen sin www.zap.gr.ch. Per l'invista online vegnan duvradas las datas d'access che vegnan utilisadas per l'annunzia electronica da l'examen (vossa addresa dad e-mail ed il pled-clav).

15. Uras, telefonins ed auters apparats electronics

Telefonins ed auters apparats electronics ston vegnir mess ord funcziun durant ils examens d'admissiun e ston vegnir deponids en la bagascha. Uras ston era esser deponidas en la bagascha. En las stanzas d'examen hai uras.

16. Ulteriuras infurmaziuns

Ulteriuras infurmaziuns davart ils examens d'admissiun dattan las singulas scolas medias grischunas u il secretariat da la gruppera directiva examens d'admissiun (Uffizi per la furmaziun media-superiura, Grabenstrasse 1, 7001 Cuira, tel. 081 257 61 70 u 081 257 61 69).

Adressas da website dals uffizis respectivs chantunals:

Uffizi per la furmaziun media-superiura	http://www.ahb.gr.ch
Uffizi per la scola populara ed il sport	http://www.av.s.gr.ch

Adressas da website da las scolas medias grischunas:

Academia Engiadina Samedan	http://www.academia-engiadina.ch
Center da formaziun Surselva	http://www.bzs-surselva.ch
Scola chantunala grischuna	http://www.bks-campus.ch
Scola media evangelica Schiers	http://www.ems-schiers.ch
Institut Otaalpin Ftan	http://www.hif.ch
Scola claustralala Mustér	http://www.gymnasium-kloster-disentis.ch
Lyceum Alpinum Zuoz	http://www.lyceum-alpinum.ch
Scola media svizra alpina Tavau	http://www.samd.ch
Gimnasi svizzer da sport Tavau	http://www.sportgymnasium.ch